

CAMPAMENTO XUVENIL "PENEDOS DE XACINTO" - ENTRIMO (OURENSE)

DATOS XERAIS: Campamento de montaña con arboreda e zona verde , con aloxamento en tendas de campaña. Ten unha capacidade de 100 prazas en cada quenda. Conta con enfermería, pistas polideportivas, piscina, anfiteatro, alpendre cuberto, rocódromo e tirolesa.

ACCESOS: Atópase a 70 Km. de Ourense, na estrada Entrimo – A Illa. A uns 2 km de Entrimo, coller o desvío sinalizado á dereita.

Existe transporte por ferrocarril ata Ourense e autobús ata Entrimo.

ENDEREZO: Campamento Xuvenil "Penedos de Xacinto" - LG Cabeza da Vella - Estrada Bouza Drago 32680, Entrimo, Ourense (non confundir co Camping de Lantemil, moi próximo).

QUENDA	ANOS NACEMENTO	DESCRIPCIÓN DAS ACTIVIDADES
01-10 xullo	13-14-15-16-17	<p style="text-align: center;">TEATRO E AVENTURA NA NATUREZA</p> <ul style="list-style-type: none"> • ACTIVIDADES XERAIS: teatro (dramatización, expresión corporal e desinhibición, obradoiros de formación, ensaios e propostas teatrais, técnicas de circo, caracterización, maxia, malabares e equilibrio), actividades deportivas e de aventura (deportes acuáticos, deportes cooperativos, rocódromo e tirolesa, orientación con GPS, tiro con arco, xogos activos), outras actividades (aula de natureza, piscina, veladas e festa final) saídas e excursión. • OBXECTIVOS: desenvolver a autonomía persoal dos/as participantes; espertar a súa creatividade; fomentar o traballo en equipo, a solidariedade e a cooperación; coñecer a natureza potenciando o respecto e o coidado ao medio ambiente.
15-24 xullo	13-14-15-16-17	
29 xullo – 07 agosto	13-14-15-16-17	
12-21 agosto	13-14-15-16-17	



NORMAS XERAIS:

1. As persoas participantes estarán atendidas permanentemente por persoal titulado e especializado na organización e no desenvolvemento das actividades de tempo libre.

2. **Ningunha persoa participante poderá abandonar o centro sen autorización expresa do/a director/a da actividade, e sempre acompañado por un adulto autorizado** (algunha das persoas proxenitoras, titoras ou acolledoras que figuren na solicitude). No caso de que ningunha destas persoas poida acudir, a persoa que efectúe a recollida deberá presentar o impreso de autorización que se facilitará o día da recepción, xunto cunha fotocopia do DNI de quen autoriza (persoa que asinou a solicitude de inscrición) e da persoa autorizada.

3. **Prégase non facer visitas de non ser necesario**, coa fin de non interferir no desenvolvemento das actividades e limitar ao mínimo imprescindible a entrada de persoas alleas á instalación.

4. **Horario de chamadas: na información de recepción o equipo directivo comunicará ás familias os días en que se poderá contactar cos/coas menores (cun mínimo de 3 días durante a quenda) e o horario para as chamadas.** Nese horario, os/as rapaces/zas disporán dos seus móbiles se os traen ou ben as familias poderán chamar ao menor nos teléfonos indicados na reunión de recepción. Tamén se permitirá as chamadas fora do horario sinalado por causa xustificada.

5. O centro conta con atención sanitaria. As persoas participantes deberán levar as **tarxetas sanitarias orixinais** (ou seguro médico, MUFACE ou similar, e o talonario de receitas).

O día da incorporación deberase comunicar ao persoal técnico da actividade os medicamentos, en caso de tratamento específico, que estean a tomar; así como as alerxias, doenzas, ou calquera outra incidencia que se considere de interese.

6. Recoméndase que non leven obxectos de valor, nin grandes sumas de diñeiro. Prevese a organización dun banco de cartos e móbiles onde os participantes poderán depositar os seus cartos (máximo 10 euros) e tamén os teléfonos (recoméndase poñer un adhesivo co seu nome tanto no teléfono coma no cargador e, no caso de ser necesario, unha lista cos números de teléfono e o PIN, se non se sabe de memoria). Os teléfonos entregaranse apagados.

7. Recoméndase levar a roupa e demais equipamento marcado coas iniciais.

8. Nesta web, no apartado "Documentación para presentar (fase de adxudicación)" están dispoñibles os modelos de documentos: declaración sobre a autorización de imaxes (anexo IV), modelo de autorización para recollida do/a menor e outra información de interese. En canto ao cuestionario de saúde e autonomía persoal e declaración de saber nadar (anexo III), este formulario soamente pode ser cuberto en liña (sede electrónica, carpeta cidadá) accedendo ao seu expediente e elixindo a acción "Documentación complementaria para a adxudicación".

9. Non está permitido levar comida ao campamento, salvo en casos de necesidade, por motivos de saúde debidamente xustificados e comunicados previamente.

INCORPORACIÓN E RECOLLIDA DAS PERSOAS PARTICIPANTES

- A **incorporación** realizarase o **día do inicio da quenda correspondente**, entre as **10.00 e as 13.00 horas** no Campamento Xuvenil Penedos de Xacinto.

Para comunicar calquera incidencia en relación coa incorporación pode contactar co teléfono 682591562 e 689198418 durante os tres días anteriores á incorporación ao campamento. Tamén dispoñemos do correo electrónico entrimopebetero@gmail.com

- O día de **remate da quenda, a recollida das persoas participantes** deberá facerse entre as **12.00 e as 14.00 horas** na mesma instalación.

MATERIAL NECESARIO

- Toalla de piscina
- Bolsa para a roupa sucia.
- Cantimplora
- Chaleco reflector
- Útiles de aseo: champú, xel, toallas de aseo, cepillo de dentes e pasta dentífrica
- Crema protectora solar
- Traxes de baño
- Sandalias pechadas con velcro ou semellantes, que suxeiten ben o pé
- Escarpíns para río (calzado pechado que se poida mollar)
- Sombreiro ou gorra
- Camisetas
- Pantalóns curtos ou bermudas
- Vestimenta deportiva e de abrigo: chándal, pantalóns longos, suadoiro ou forro polar, chubasqueiro, etc
- Calzado deportivo e que tamén sirva en caso de choiva
- Mochila pequena de asa ancha para saídas
- Roupa interior suficiente para todos os días da quenda
- Lanterna
- Saco de durmir (non é preciso esteira, nin almofada)

MATERIAL RECOMENDABLE

A maiores, é aconsellable levar:

- Bolígrafo e caderno
- Repelente para os insectos

O horario básico da quenda será o seguinte:

08.30 h.	Erguerse, aseo persoal, vestimenta axeitada e amaño de dormitorios
09.00 h.	Almorzo
09.30 h.	Activa-T
10.00 h.	Actividades de mañá (con interrupción para un refrixerio)
13.50 h.	Remate das actividades de mañá, recollida e desinfección do material e aseo
14.00 h.	Xantar
15.00 h.	Aseo
15.10 h.	Tempo libre xestionado e preparación actividades da tarde (desprazamento, de ser o caso)
16.00 h.	Actividades de tarde (con interrupción para merendar)
19.50 h.	Remate das actividades de tarde, recollida e desinfección do material
20.00 h.	Ducha, tempo libre xestionado
21.00 h.	Cea
22.00 h.	Escoita activa
22.20 h.	Velada
23.30 h.	Deitarse